



Na osnovu člana 9. Odluke o standardima i kriterijima za imenovanje na pozicije u reguliranim organima koja vrši Općinski načelnik Općine Centar Sarajevo ("Službene novine Kantona Sarajevo", broj 50/17 i 51/23, Općinski načelnik objavljuje da poništava Javni oglasa za izbor i imenovanje predsjednika upravnog odbora iz reda predstavnika osnivača Javne ustanove „Centar za sport i rekreaciju“ Sarajevo objavljenog dana 20.12.2024. godine u dnevnim novinama „Avaz“ i Službenim novinama Federacije BiH. Na Javni oglas nije pristigla nijedna prijava zbog čega se isti u cijelosti poništava.

Istovremeno

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/23, 34/03 i 65/13), člana 11. Odluke o promjeni oblika organizovanja Javnog preduzeća „Centar za sport i rekreaciju“ Sarajevo u Javnu ustanovu- prečišćeni tekst („Službene novine Kantona Sarajevo“ br: 21/18 i 15/24) i člana 8. Odluke o standardima i kriterijima za imenovanje na pozicije u reguliranim organima koja vrši Općinski načelnik Općine Centar Sarajevo ("Službene novine Kantona Sarajevo", broj 50/17 i 51/23) i Općinski načelnik raspisuje:

PONOVNI JAVNI OGLAS
za izbor i imenovanje predsjednika Upravnog odbora iz reda predstavnika
osnivača Javne ustanove „Centar za sport i rekreaciju“ Sarajevo

I

1. U Upravni odbor Javne ustanove „Centar za sport i rekreaciju“ Sarajevo bira se:

- Predsjednik UO/predstavnik osnivača – jedan član

Mandat Predsjednika Upravnog odbora JU „Centar za sport i rekreaciju“ Sarajevo traje do isteka mandata već imenovanih članova, odnosno do 20.7.2025. godine.

II

OPIS POZICIJE:

Upravni odbor donosi pravila Ustanove, imenuje i razrješava direktora, utvrđuje Godišnji program rada i razvoja, donosi finansijski plan i usvaja godišnji obračun, donosi opće akte o unutrašnjoj organizaciji i sistematizaciji poslova i druge opće akte u skladu sa zakonom i pravilima Ustanova, odlučuje o svim pitanjima obavljanja djelatnosti radi kojih je Ustanova osnovana, ukoliko zakonom ta pitanja nisu u nadležnosti drugih organa Ustanova, usmjerava, kontroliše i ocjenjuje rad direktora, rješava sva pitanja odnosa sa osnivačem, odgovara osnivaču za rezultate rada Ustanove, odlučuje o korištenju sredstava preko iznosa utvrđenog pravilima Ustanove, odlučuje o prigovoru radnika na rješenja koje je donio drugi organ u skladu sa pravilima Ustanove, podnosi osnivaču najmanje jedanput godišnje pismeni izvještaj o poslovanju ustanove, vrši druge poslove u skladu sa zakonom i pravilima Ustanove.

III

Opći uslovi koje svaki kandidat treba da ispunjava su sljedeći:

- da je stariji od 18 godina;
- da je državljanin Bosne i Hercegovine;
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije u Javnom oglasu;
- da se na tog kandidata ne odnosi član IX. tačka 1. Ustava Bosne i Hercegovine;
- da nije zaposlen na drugoj izbornoj poziciji u reguliranom organu, koja može uticati na eventualni sukob interesa;
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13).

Posebni uslovi koje svaki kandidat treba da ispunjava su sljedeći:

- da posjeduje najmanje visoku stručnu spremu;
- da ima najmanje tri godine radnog iskustva (poželjno u oblasti sporta, kulture);
- da nije direktor ustanove za čiji organ se kandiduje;
- da nema privatni - finansijski interes u organu za koji se kandiduje;
- da nije bliski srodnik u smislu sukoba interesa sa bilo kojim članom ili zaposlenikom u ustanovi za čiji organ se kandiduje;
- da nije općinski vijećnik/ca u mandatu.

IV

POTREBNA DOKUMENTACIJA:

- Potpisan obrazac prijave na Javni oglas
 - Uvjerenje o državljanstvu ne starije od šest mjeseci;
 - Diploma o završenoj visokoj stručnoj spremi;
 - Dokaz o radnom iskustvu (uvjerenje, potvrda potpisana i ovjerena od poslodavca ili uvjerenje o radnom stažu od FZ PIO/MIO);
 - Uvjerenje da se protiv lica ne vodi krivični postupak – ne starije od tri mjeseca*;
 - Obrazac za pitanja o sukobu interesa;
 - Izjava ovjerena od nadležnog organa;
- (kopije dokumenata moraju biti ovjerene).

*Kandidat **nije u obavezi** uz prijavu dostaviti Uvjerenje. Dokaze o ispunjavanju navedenih uslova, za najuspješnije kandidate, pribavlja služba nadležna za poslove iz oblasti kulture i sporta, a u skladu sa pravilima krivičnog i prekršajnog postupka, nakon zahtjeva Komisije za izbor.

Izjavu, Obrazac prijave za predsjednika Upravnog odbora, Obrazac za pitanja o sukobu interesa mogu se lično preuzeti na Info-pultu u Općini Centar Sarajevo ili sa WEB-stranice Općine: www.centar.ba

Dokumentaciju dostaviti lično ili poslati preporučeno poštom na adresu:

Općina Centar Sarajevo, Mis Irbina broj 1.

Služba za obrazovanje, društvene djelatnosti, kulturu i sport
sa naznakom: „Prijava na Javni oglas za izbor i imenovanje Predsjednika Upravnog odbora Javne Ustanove Centar za sport i rekreaciju Sarajevo“ - ne otvarati“

Krajnji rok za podnošenje prijava je 15 dana od dana objavljivanja Javnog oglasa.
Neblagovremene i nepotpune prijave neće se uzeti u razmatranje.

Izrada: Jasmina Fazlić
Kontrola i saglasnost: Lejla Dizdarević

OPĆINSKI NAČELNIK

Srđan Mandić